

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 482199 25 St
Tuzla, 16.10.2025.godine

Općinski sud u Tuzli, sudija Antonela Đaković, odlučujući o prijedlogu za pokretanje stečajnog postupka nad imovinom „PRO-KER“ d.o.o za proizvodnju, promet, trgovinu i usluge Gračanica, ul. Branilaca grada bb, Gračanica, donio je dana 16.10.2025. godine

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom dužnika „PRO-KER“ d.o.o za proizvodnju, promet, trgovinu i usluge Gračanica, ul. Branilaca grada bb, Gračanica, MBS: 32-01-0126-12, JIB 4210073070006.

Za privremenog stečajnog upravnika imenuje se Eldar Močić iz Gradačca, ul. Čelikovača broj 44.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju FBiH (Službene novine FBiH br. 53/21), a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka
- uraditi kontrolu poslovanja stečajnog dužnika
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra Suda, ZK uredu Općinskog suda u Gračanici i Službi za geodetske i imovinsko pravne poslove Grada Gračanice, radi upisa zabilježbe otvaranja prethodnog stečajnog postupka.

O b r a z l o ž e n j e

Predlagač „PRO-KER“ d.o.o za proizvodnju, promet, trgovinu i usluge Gračanica, ul. Branilaca grada bb, Gračanica, kao stečajni dužnik podnio je dana 17.03.2025.godine ovom sudu prijedlog za otvaranje stečajnog postupka nad navedenim privrednim subjektom, zbog platežne nesposobnosti dužnika koji nije u stanju izvršavati svoje dospjele i potraživane obaveze plaćanja u dužem vremenskom periodu.

Stečajni sudija je zakazao ročište za saslušanje zastupnika predlagača za dan 29.04.2025.godine na kojem je predlagač izjavio da u cjelosti ostaje kod podnesenog prijedloga za otvaranje stečajnog postupka, a kao razlog ističe platežnu nesposobnost i nemogućnost izvršavanja dospjelih i potraživanih obaveza plaćanja u dužem vremenskom periodu, te je društvo prestalo sa radom Odlukom o prestanku poslovanja dana 06.12.2024.godine. Osnovna djelatnost društva je bila trgovina na veliko drvom, građevinskim materijalom i sanitarnom opremom. Račun društva otvoren kod: MF Banke a.d Banja Luka označen kao glavni je blokiran na dan 26.09.2022.godine, dok računi kod ASA Banke dd Sarajevo, Raiffeisen Banke dd Sarajevo, MF Banka a.d Banja Luka, Procredit Banka dd Sarajevo, Unicredit Banka d.d Sarajevo, Sparkasse Bank dd BiH, Bosna Bank International i Addiko Bank d.d Sarajevo su ugašeni. Društvo nema nepokretne imovine, ali ima pokretnu imovinu-PMV marke Hyndai koji nije u voznom stanju i na kojem postoji založno pravo UIO RC Tuzla, kao i pokretni stvari – sanitarije (kade, umivaonici i slično). Društvo nema zaposlenika, a ima obaveze prema Poreznoj upravi FBIH u iznosu od 8.754,15 KM, kao i prema UINO BIH RC Tuzla iznos od 45.243,97 KM, te predlaže sudu da odredi predujam za pokretanje prethodnog postupka, a kasnije i stečajnog postupka.

Stečajni sudija nakon što je utvrdio da je prijedlog za pokretanje stečajnog postupka podnesen od strane predlagača i da je isti dopušten u smislu odredbe člana 58. stav 2. i 13. Zakona o stečaju postupku, rješenjem od 05.05.2025.godine naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka. Predlagač je sudu 14.10.2025.godine dostavio dokaz o uplati predujma za finansiranje troškova prethodnog stečajnog postupka u iznosu od 3.000,00 KM. Imajući u vidu dostavljenu dokumentaciju i izjavu zakonskog zastupnika dužnika na ročištu za saslušanje, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.).Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA
Antonela Đaković

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu u Tuzli putem ovog Suda.